



Zenta rerū naturalium notitia & abstrusiori philosophia in magna authoritate apud Gothos fuit, Anno mundi creationis 2730. Itaque Gothi qui post ducū suorū in Asiam expeditionē domi remāserāt, eum ob generis nobilitatem, et maximarum uirtutum eminentiam ad regnum uocarūt. Id cum assumpsisset, toto desiderio ferebatur ut Gothi humanioribus legibus assuescerēt, & ciuilibus uitæ institutis operā darent. hinc ijs certas leges præscripsit, atque ad mansuetiorem uitā reduxit. hæcenus enim ipsi omnium uirtutum summam in militari uita collocarant, atque Martem belli Deum morte captiuorum tantū placari posse putarant. Cum hoc modo magna laude præuillet, tandem obiit, & Sagillum successorem reliquit.